

TE HENEURAA API

NENEIHIA I ROTO I TE PIHA NENEIRAA A TE EKALEZIA A IESU MESIA I TE
FEIA MO'A I TE MAU MAHANA HOPEA NEI.
PAPEETE, TAHITI, I TE MAU AVA'E ATOA.

Te hoo: E 2 farane i te matahiti.

No. 2

Febuare 1936.

Mat. 30.

Te ineine o te aa'u o te taata, e te parau o te vaha, no o ia ia Iehova ra. Te tia ra to te taata nei mau haerea i to'na ihora mana'oraa; te feruri maite ra ra Iehova i to te taata nei varua. Maseli 16:1-2.

Te Faaino i te Varua Maitai.

I TE taime to te mau Pharisea iteraa ia Iesu i te tia-varuraa i te demoni i rapae t te hoê taata i te mahana sabati, ua parau atu Iesu ia ratou: *E teie nei, e parau atu vau ia outou, E tia te mau hara atoa e te faaino a te taata nei ia faaore, eita râ te faaino i te Varua Maitai e faaorehia. E o te parau ino i te Tamaiti a te taata nei, e tia ia ia faaore i ta'na hara area te parau ino i te Varua Maitai ra, e ore ta'na e faaorehia, i teie nei ao, e e ore hoi i te ao a muri atu. Mataio 12:31-32.*

Eaha te VARUA MAITAI? Te Varua Maitai, o te hoê ia no te TORU-TAHI, e tino Varua to'na e e ite hoi Oia no te Metua

e te Tamaiti. Te Varua parau mau e te Haapii i te parau mau e te ite. Te ohipa a te Varua Maitai o te aratai ia i tei haapao e tei farii ia'na, na roto i te tuuraa rima, i roto i te îraa o te parau mau e i te vahi faataahia no te taata parautia, i mua i te aro o te Atua. Ua au te Varua Maitai i te hoê mori maramarama rahi, ia haapao tatou i te ture o taua mori ra, ia vai noa te gaz mâ, i roto ia'na, eiaha te repo i roto i te mau auri, e haapao i te mau ture no te farii raa e te faatereraa ia'na, e maramarama roa te purumu e haerehia e tatou. E horoahia mai te Varua Maitai i te mau taata tei faaroo, tei tatarahapa e tei haere i roto i te pape no te hapetizoraa, e e horoahia ia na roto i te tuuraa rima. E ia haapao maitai taua taata ia vai mâ noa to'na tino i mua i te aro o te Atua, e ia haapao oia i te mau ture ta te Atua i horoa mai na'na, e tupu noa to'na maramarama, e e noaa mai ia'na te ite e te paari, e na te reira e haa parahi ia'na i mua i te aro o te Atua. ' *O te ite, o te hanahana ia o te Atua.* '

Na roto i te Varua Maitai ua haapiihia te taata i te mau ohipa a te Atua, no teie ao e no te ao varua; na roto i te Varua Maitai e noaa mai i te taata te ite papu, ma te feaa ore, i te mau ohipa atoa a te Atua.

Ia noaa mai i te taata teie mau mea, oia hoi, te ite papu i te Atua e ta'na mau ohipa e i muri mai ua parau oia e, e haavare taua mau mea ra, tera ia te *Faaino* i te Varua Maitai e te tumu ua parau mai te Atua e: *Te parau nei te Fatu, no ratou tei ite i To'u mana, tei riro ei feia i mau i te reira e o tei faatia ia rê ratou, na roto i te mana o te diabololo, e tei patoi i te parau mau e tei tuhi i to'u nei mana,— O ratou teie o te mau tamarii o te pohe, no ratou hoi au i parau atu ai e, e mea maitai a'e ahiri aita ratou i fanauhia; no te mea e farii ratou no te riri, e e farii ratou i te riri o te Atua, ratou o Satane e ta'na mau melahi e a muri noa'tu; o ratou ta'u i parau ra e,*

aore to ratou e haamatararaa hara i teie nei ao e i te ao a muri atu—ua huna hoi ratou i te Varua Maitai, o tei noau hoi ia ratou, e ua huna atoa hoi i te Tamaiti Fanautahi a te Metua, e ua faasataurohia Oia e ratou i roto ia ratou iho, e ua tuuhia Oia ia vai haama noa na. *B. F. 76:31-35.*

E ua parau faahou mai Oia: *O te teia hoi i haamaramaramahia, e ua ite i te horoa o te ra'i ra, e ua noaa te Varua Maitai, e ua tamata i te parau maitai a te Atua ra, ua hi o hoi i te mana o te ao a muri atu, e taiva e atu ra, e ore roa ia e tia ia faatupu faahou i te tatarahapa ia ratou; ua faasatauro faahou hoi ratou i te Tamaiti a te Atua, e ua faariro faaite noa ia'na ei fauinoraa. Hebera 6:4-6.* Ua na o atoa mai o Petero: *E huru maitai a'e ratou ahiri eiaha roa ia ite i te parautia ra, eiaha ia ite ru a fariu e atu ai i te parau mo'a i tuuhia'tu ia ratou ra. II Petero 2:21.*

E ua parauhia te reira hara, e Ioane, i te *Hara pohe*. E oia mau te reira, e *Hara pohe* mau te reira, no te mea e faatae mai te reira i te utua no te pae varua, e eita te taata tei rave i taua hara ra e tae faahou i te mau *Ao hopea ore*, i mua i te aro o te Atua. Te taata te rave i te reira hara, ua hoo atu oia ia'na iho, mai ia Kaina te huru, ia Satane: ua haere e te Varua Maitai i rapae ia'na e aita e maramarama faahou e te haere noa nei oia mai te hoê taata i roto i te pouri te huru.

Eita roa oia i hinaaro i te parau mau, e mea hinaaro na'na te haavare e te mau ohipa ino, e e tae oia i te vahi eita e tia ia'na ia tatarahapa, i roto i teie nei ao e a ore ra i te ao i mua nei, e parahi noa oia i roto i te vahi pouri e te mau ui rahi.

Te Tamaiti Papai Hoho'a.

I TE hoê mahana ua papai te hoê tamaiti i te hoê hoho'a taata, e ua oti roa i te papaihia e ana, e vahi iti tei toe, oia hoi hoê avae; te mau vahi atoa ua oti roa ia i te papaihia e ana, mai te upoo, te ihu, te mata, te vaha, te taria, na rima, te opu e hoê avae, ua toe hoê avae. I reira tae maira to'na papa tei parau mai ia'na ia haere mai e tamaa, i reira vaiiho atura taua tamaiti ra i ta'na hoho'a e haere atura e tamaa, e ia paia oia moe roa'tura ia'na te faaoti roa i ta'na hoho'a taata ta'na i papai.

Haere atura oia i te ori haere e tae atura oia i te matete. Ite atura oia i te hoê taata, i roto i te matete, hoê noa iho avae to'na, mana'o atura taua tamaiti ra i te hoho'a ta'na i papai, ua moe ia'na te faaoti i te tahi avae, na ô ihora oia, na'u mau teie taata i hamani, mai te reira mau ihoa te hoho'a ta'u i hamani, mauruuru roa atura taua tamaiti ra e hinaaro atura ia ite papu oia e, na'na mau anei taua taata ra i hamani.

I reira, tapapa haere noa'tura oia i taua taata ra ia haere teie taata ua haere atoa teie tamaiti, e ia tipuu teie taata na te tahi purumu ua tipuu atoa teie tamaiti; ua na reira noa oia e i muri iho ua ite taua taata ra e, te tapapahia nei oia e taua tamaiti ra ua tia ihora taua taata ra ani maira i taua tamaiti ra: 'Eaha tena ta oe e tapapa haere nei ia'u'; ua pahono atura taua tamaiti ra: 'Te tapapa nei au ia oe no te mea na'u oe i hamani, e te tumu aita te piti o to oe avae i oti no te mea ua anihia mai au ia haere e tamaa, i reira tou haereraa e tamaa e moe roa'tura ia'u te faaoti i te piti o to oe avae.

E faaauraa teie no te mau faaroo e vai nei i te ao nei; te

vai nei
hia i r
O te ti
Mai te
no tau
te tino

E

“ Hou
mai o
mana
te hoê
faaô m
teie ne

Ua j
ô main
tei nie
[Iritih
hia i rot

No i
ua na
hoi te
ia oia
na tale
te ture

Te f

vai nei te hoê mau faaroo ua moe te hoê mau toroa, aita i ite hia i roto ia ratou, aita ia i tano mai ta Paulo i parau ra e: *O te tino outou no te Mesia, e e melo ana'e outou e ati noa'e. Mai te tino hoê nei, e rave rahi to'na melo, e te mau melo atoa no taua tino hoê ra, rahi noa ratou, hoê â ia tino, oia atoa hoi te tino o te Mesia. I Korinetia 12:27; 12:12.*

Papaihia e Gahau Tu a Keha

E Parau Faaite na Birigama Youne.

I ROTO i te hoê Amuiraa rahi no te Ekalesia paatoa, i te 7 no Atete 1844, i Navu, ua na ò atura oia: “ Hou to'na, to Iosepha SEMITA, rave ê raahia, ua haamau mai o Iosepha i nia i to matou nei upoo te mau taviri e te mana atoa no te Aposetoloraa i roaa ia'na ra, e aita e tia i te hoê noa'tu taata, e a ore râ, i te hoê noa'tu pūpū taata ia faaô mai i ropu ia Iosepha e te Tino Ahuru ma Piti, i roto i teie nei ao, e eiaha atoa i te ao a muri atu.

Ua parau pinepine mai o Iosepha i te Ahuru ma Piti, na ô maira: Ua haamau vau i te niu e na outou e patu i nia iho, tei nia hoi i to outou mau tapano te Basileia i te vairaa.

[Iritihia mai no roto mai i te parau tuatapapa no Iosepha SEMITA i neneihia i roto i te Fetia Mileniuma, Buka 25, apĭ 232.]

No reira te faaite nei Birigama YOUNE i te parau mau, e ua na ò atoa maira oia: ‘ Ia huna te taata i ta'na taleni, oia hoi te hoê ite e a ore râ te hoê maitai tei horoahia mai, eita ia oia e riro ei tavini mau no te Fatu, te tavini i huna i ta'na taleni, oia hoi o te parau mau ta'na i ite, ua faahapa ia i te ture a te Atua.

Te faaite nei teie nei Heheuraa e, aita matou e hinaaro

nei ia tapeahia to outou mau varua e te marei a te diabolō, ia noaa ra te ora i te taata atoa. E' horoa i te pane e te pape, eiaha e horoa i te pane e tapea i te pape, ia horoa ra i na mea e piti, te haamaitairaa i te pae tino e te pae varua. Teie to te pae tino: *Eiaha e inu i te ava, te taofe e te tī, e eiaha e puhipuhi i te avaava*, o te faaino hoi te reira i to oe tino; teie to te pae varua: *Eiaha e faaino ia vetahi ê, eiaha e haavare, eiaha e haavahavaha i to taee, eiaha e huna i te parau mau*. O te ofati i te hoê ture ua ofati ia i te mau ture atoa, o te haapiiraa ia a te EKALESIA A IESU MESIA I TE FEIA MO'A I TE MAU MAHANA HOPEA NEI.

Papahia e Temuriaroha a Kuratahi.

O VAI TE TIA IA RAVE I TE ORO'A A TE FATU?

A HAAMANA'O noa tatou i roto ia tatou, i te mau huru no to tatou raveraa i te reira. Aita'tu e oro'a hanahana i te reira i roto i te Ekalesia, e no te mea te ravehia nei taua oro'a ra i te mau sabati, e huru peapea te mana'o i te feruriraa e, aita te reira oro'a e haapao maitai hia nei i roto i to'na raveraahia. E na te reira e faaite mai e, te haapao noa nei te tahi melo i taua oro'a ra no te mea e peu matauhia, eiaha ra ma te feruri papu i te faufaa o te ohipa ta ratou e rave ra. Noa'tu ra i te reira te haapaohia nei te Oro'a a te Fatu ma te tura rahi.

E rave rahi te taata, i rotopu ia tatou iho, tei mana'o e, e mea tia ia horoa i te oro'a a te Fatu i te mau melo atoa o te Ekalesia tei tae mai i te pureraa, e ere i te mea tia ia na reira noa hia. Mai te mea te na reira nei matout i te parau, ua

turuhi
nia i t
inu i t
e te to
ai oia
tei inu
oia aoi
ma'i e
pae. I
Paulo
E oti
ta'na
Inaha
ta'u e
ia faat
nei, in
e faati
au ore
i tau
pohē n
taata
ia'na.

No
hara r
ori ra
rave i
ra. E
ma ia
ne 46:
roa ou
oro'a.
ia amu
i muri

turuhia matou e te Evanelia, no te mea ua parau o Paulo i nia i taua vahi ra: E teie nei, o te amu i teie nei pane e o te inu i te au'a a te Fatu nei ma te au ore ra, e hara ia i te tino e te toto o te Fatu. E hiopo'a maite râ te taata ia'na iho, a amu ai oia i taua pane ra, a inu ai i taua au'a ra. O tei amu hoi e o tei inu ma te au ore ra, ua amu ia e ua inu i te pohe no'na iho, oia aore i hi'o i te tino o te Fatu ra. No reira i rahi ai te pohe ma'i e te paruparu i roto ia outou na, e i taoto ai hoi te tahi pae. I Korinetia 11: 27-30. Ua haapapu roa hia te mana'o o Paulo i roto i te Buka a Moromona na roto i teie mau parau: *E oti a'era ta Iesu parauraa, ua hi'o faahou atu to'na mata i ta'na ra mau pipi i maitihia e ana ra, ua na ô atura ia ratou: Inaha, amene, amene, e parau atu vau ia outou, e hoê â faaue ta'u e faaite ia outou, ei reira ia haere au i tau Metua e tia'i, ia faatia vau i te tahi faaue ta'na i horoa mai ia'u ra. E teie nei, inaha, tera te faaue ta'u e horoa'tu ia outou, eiaha outou e faatia ma te ite i te taata ia rave i tau tino e tau toto ma te au ore, a opere ai outou i te reira; o tei amu hoi, e o tei inu i tau tino e tau toto ma te au ore ra, ua amu ia e ua inu i te pohe no to'na varua; no reira, te ite ra outou aore e au te hoê taata ia amu e ia inu i tau tino e tau toto ra, e faaore outou ia'na. III Nephi 18:26-29,*

No reira, o tei amu i te Oro'a a te Fatu ma te tia ore, e hara rahi mau ia, area ra aita'tu taata e ite i to'na hapa, maori ra o oia iho, no reira e tae iho â te faahaparaa i nia i tei rave i te oro'a ma te hapa, eiaha ra i nia i tei opere i te reira. E rave rahi atu â te mau parau papai tei haamaramarama ia tatou i nia i taua vahi ra. I roto i te Buka Fafau, pene 46:4, te tai'o nei tatou; Ua faaue atoahia outou e, eiaha roa outou e tiahi i te hoê taata i rapae i ta outou mau pureraa oro'a. Mai te mea ua hara te hoê o outou, eiaha roa'tu ia oia ia amu i te oro'a e tae noa'tu to'na faiteraa. I roto i te irava i muni iho, ua opani atoa hia, eiaha roa outou e huri i te hoê

i rapae i ta outou mau pureraa oro'a, o te anaanatae to'na titauraa i te basileia; te parau nei au i teie no te feia e ere ratou i to te Ekalesia.

Eaha te auraa o te parau *Faiteraa*?

E tai'o tatou i roto i te III Nephi, 12:23-24: *Ia haere mai oe ia'u, e ia hinaaro hoi i te haere mai ia'u, e ua mana'o iho-ra oe i reira e, e hara ta to taeae ia oe na; e mata na oe i te haere e faite i to taeae, a haere mai ai ma te aau mau i'au nei e na'u ia e farii ia oe.*

No reira, ia ore tatou ia faautuahia no te raveraa i te oro'a a te Fatu ma te au ore, e mea tia ia riro tatou ei melo no te Ekalesia ma te tahoê maiteraa'tu i ie taatoaraa o te mau melo, eiaha atoa ia vai, i roto ia tatou iho, te mana'o ino ia ratou e eiaha atoa e ofati i te mau faaueraa a te Atua. E mai te mea ua ite tatou e, te vai nei te inoino o te hoê ia tatou, e ohipa ia na tatou i te haereraa e farerei ia'na no te faaore-raa i te peapea hou a'e i te raveraa i te oro'a, no reira, eiaha tatou ia inoino i to tatou taeae ia ore tatou ia inoinohia mai e to tatou taeae. No te rave-tia-raa i te oro'a, e mea tia ia i to tatou mafatu i te here i to tatou mau taeae e to tatou mau tuahine e ia tatarahapa mau tatou i ta tatou mau hara, mai te mea aita tatou e na reira, eita ia tatou e farii i te haamaitai o te Varua o te Atua, e ua amu e ua inu ia tatou i te pohe no tatou.

Te ani nei matou i te mau Feia Mo'a ia haamana'o ratou i te reira mau mea, no te mea ia na reirahia, e faaorehia te mau mana'o nounou, te pohe hae, te ohumu e te hi'opoaraa i to te tahi ino.

E mea papu, ia vai te reira mau peu i roto i te hoê Amaa, e inoino ihoa te Varua o te Fatu, e e mea tia ia tupu te tatarahapa hou e tia'i i te taatoaraa ia rave i te oro'a a te Fatu.

E mea tia roa ia haapao maitai te mau Feia Mo'a, ia vai hapa ore noa ratou, ia tia noa ia ratou ia rave i taua Oro'a mo'a ra e ia vai noa te mau haamaitairaa a te Fatu i nia ia ratou.

Papaihia e Iosepha F. MERRILL.

Te Raveraa i te Olive Mo'a.

UA na ô te Aposetolo ra o Iakobo: " Te pohe ra anei te hoê o outou i te ma'i? e tii oia i te mau peresibutero o te Ekalesia ra; e na ratou e pure ia'na, ma te faatahinu ia'na i te mono'i i te i'oa o te Fatu ra. Iakobo 5: 14-15.

Na roto i te mau heheuraa no ô mai i te ra'i ra, te haapao noa nei te Feia Mo'a i taua ravea ra no te aniraa i te Fatu ia tauturu mai ia ratou no te faaoraraa i tei pohe i te ma'i.

Na ratou, o tei mau i te mana no te Autahu'araa Teitei, e haamaitai e e haamo'a i te olive te ravehia no te faatahinuraa no te feia tei pohe i te ma'i. Ua haamo'ahia e ua haamaitaihia te reira olive no te hoê noa iho ohipa, oia hoi, te faatahinuraa i te mau feia tei pohe i te ma'i, eiaha râ no te tahi ohipa ê atu.

Aita â te tahi mau melo i taa maitai i te raveraa taa ê, e te mo'a, no te olive i haamaitaihia, e ua rave noa ratou i te reira no te tahi mau ohipa ê atu. Eiaha roa ia na reirahia. Ia ravehia te olive i haamaitaihia i roto ana'e i te faatahinuraa i te mau feia tei pohe i te ma'i e tei navai to ratou faaroo no te aniraa'tu i te mau peresibutero ia haere mai e tuu i te rima i nia ia ratou.

E mea tia ia taa maitai te reira i te mau Feia Mo'a e ia arataihia ratou i nia i te tia. E raau ihoa te olive no te mau ma'i e rave rahi, e e maa maitai atoa hoi no te tino nei, aita râ i tia ia haamo'ahia, ia haamaitai noa hia râ i te haamaitairaa ta tatou e ani nei, i te Fatu, no te mau mea atoa ta tatou e rave nei i te ora raa nei.

Te Manahana o te Atua o te Ite Ia.

O TE matamua o te paari ra, oia te mata'u ia Iehova ra, e ite rahi to te feia atoa i haapao i te reira. E tia te arue ia'na i te vai maite-raa. Salamo 111: 10.

E Nunaa paari e te maramarama.

I mua rii noa a'e i to Mose faatiaraa i te atî Iseraela ia tahiti i te pape ra o Ioridana, no te haereraa i roto i to ratou ra fenua a'ia, ua horoa oia ia ratou teie mau faaueraa:

“ Inaha, ua faaite atu vau ia outou i te mau haapaoraa e te ture, ta tau Atua ta Iehova i faaue mai ia'u ra: ei haapao-raa na outou i te fenua ta outou e tii e rave nei ei parahiraa. E tena na, e haapao maitai i taua parau na, e e rave; o to outou ia paari e te haapao maitai i mua i te aro o te feia e ite i teie nei mau haapaoraa, e riro ia i te parau e, Tiaraa nunaa rahi paari e te haapao maitai o taua feia ra. Teihea hoi ia fenua rahi e fatata mai to ratou atua ia ratou, mai to tatou Atua ra mai ia Iehova e fatata mai ia tatou nei, ia tia-oro noa'tu tatou ia'na? E teihea ia fenua rahi i tia ta'na mau haapaoraa e te ture, mai te tia i teie atoa nei ture ta'u e tuu atu i mua i to outou aro i teie nei mahana.” Deuteronomi 4:5-8.

Hoê â ia huru to matou, te Feia Mo'a i te Mau Mahana

Hopea Nei, haapiiraahia e e tia ia matou ia haere i roto i taua maramarama ra i mua i te aro o to te ao nei, mai te mea e haapao matou i te mau faaueraa ma te taa e te papu maitai.

Te vai atu ra.

TE MAU PARAU API

Nā te Uri i faaora.

I te 25 no Novema i mairi a'enei, ua haere te taata ra o Blaine DAVIES e farerei i to'na nau metua i to raua fare e ua ite oia ia raua, mai te mea ra e ua varea raua i te taoto, te metua vahine i nia i te tahi sofa e te metua tane i nia i te tahi parahiraa, e ta raua uri ra, o Manuia to'na i'oa, tei raro a'e ia i te sofa.

Parahi ihora oia i nia i te hoê parahiraa, e i to'na parahiraa tia a'era te uri i nia, uene ihora ia'na iho e mairi ihora i raro. Imi atura oia i te tumu i mairi ai te uri e ite atura oia e, te mafi noa maira te gaz, no roto mai i te umu, no reira ani atura oia i te tauturu no te raveraa i to'na nau metua.

Ua tano mau â te i'oa o Manuia i nia i taua uri ra no te mea, ahiri aita oia, ua pohe roa to'na nau fatu.

Ua piri te pereoo uira i te pereoo taataahi.

Mai te au i to tatou ite e mea pinepine to tatou faaroo raa e, ua piri te pereoo taataahi i te pereoo uira, aita ra tatou i faaroo e, ua piri a'enei te pereoo uira i te pereoo taataahi.

I te oire ra Ogden, Utah, i te 27 no Novema i mairi a'enei, te haere ra te tamahine ra o 'Toots' RYAN, 13 matahiti to'na, i ta'na haapiiraa ori, na nia i te pereoo taataahi o to'na tuane e i to'na taahi noa raa i to'na pereoo, ua nevaneva haere oia e ua moe roa ia'na i te hi'o i mua ia'na. I to'na fariuraa i mua, tei mua noa iho ia'na te hoê pereoo uira faito apî tei tere maru roa. Hou i taa ai to'na feruri raa, te tere ra o 'Toots' ê to'na pereoo taataahi na nia i te mûri raa o te pereoo uira, e i to raua taeraa i

nia roa iho, mairi maira raua i nia i te purumu.

Tapea ihora te taata i faahoro i taua pereoo uira e haru atura i taua tamahine ra ma te ui atu: 'Ua pepe anei oe?' Tairiiri atura o 'Toots' i to'na upoo ma te hi'o atu i te hui ra no mua o te pereoo taataahi. tei parari roa. Ani faahou atura taua taata ra; "Eaha te mea te tia ia'u ia rave no oe?" Pahono atura taua potii ra: "Mai te mea aita e peapea ia oe, a faahoro oe ia'u i ta'u haapiiraa ori. Ua taupupu roa vau i teie nei."

O te taime matamua teie i itehia'i e, ua piri te pereoo uira i te pereoo taataahi.

Te maueraa o te tiare.

I roto i te ava'e no Titema i mairi a'enei, ua haponu te Peretiteni no te Titf no Vaihi, o Ralph Woolley, i te hoê afata tiare na J. Reuben Clark, te Tauturu hoê no te Peretiteniraa Matamua, i Roto Miti, Utaha.

Ua tuuhia taua afata tiare ra i nia i te pahi reva te tere mai Amerika i te fenua Manila, e hoi mai, e ua tae te reira mau tiare, i Roto Miti, i roto i na hora e 24, e no to ratou nehehehe, ua tuuhia ratou i te hoê fare ia mataitainia e te taata, e te i'oa o taua tiare ra o te "Manu o te Paradaiso".

E 50,000 \$ no te hohoa cinema matamua.

Te faaitohia nei, i roto i te hoê ve'a no te 25 no Novema i mairi a'enei, e aufauhia te moni ra e 50,000 tara, moni marite, na na tamahine pû pae na te taata ra o Dionne, no to ratou hautiraa i roto i te hoê hohoa cinema.

Ua riro atura ratou ei feia moni rahi roa a'e i rotupu i te mau feia hauti i roto i te hohoa cinema, e noa'tura i te reira, e mau tamarii ba petizo ratou na te Arii no Baratane, e ua riro atura ratou ei feia moni i teie nei,

Louis Drollet Gérant

Le Roy Mallory Imprimeur.

Rue Dumont d'Urville, Orovini, Papeete, Tahiti.

Te
tupu
rua,
tia'i

tei n
ra e
tahi:
hana
piira
tei f
Te n
na p
eita